



J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

KOMISIJA ZA POSTUPAK PRIJEMA U RADNI ODNOS

Na osnovu člana 8. stavovi (8), (9) i (10) Uredbe o postupku prijema u radni odnos javnom sektoru na teritoriji Kantona Sarajevo („Službene novine Kantona Sarajevo“, br. 19/21, 10/22, 28/23 i 32/24) i Odluke o imenovanju Komisije za provođenje postupka prijema u radni odnos broj: 01-I-42/25 od 21.1.2025., Komisija za provođenje postupka prijema u radni odnos na prvom sastanku koji je održan dana 23.1.2025. godine donosi

POSLOVNIK O RADU

KOMISIJE ZA POSTUPAK PRIJEMA U RADNI ODNOS

I. OPĆE ODREDBE

Član 1.

(Predmet)

Ovim Poslovnikom uređuje se način rada i odlučivanja Komisije za provođenje postupka prijema u radni odnos u J.U. „MES - Međunarodni teatarski festival - Scena MESS“ na radno mjesto Stručni suradnik za pravne poslove - jedan (1) izvršilac, način provođenja pismenog i usmenog ispita, kriterij bodovanja kandidata, kao i druga pitanja od značaja za rad Komisije.

Član 2.

(Imenovanje Komisije)

(1) Komisije za provođenje postupka prijema u radni odnos imenovana je Odlukom direktora Ustanove broj: 01-I-42/25 od 21.1.2025. godine u sljedećem sastavu

1. Dajana Gurda;
2. Belma Jusufović;
3. Alisa Salahović, vanjski član.

(2) Za sekretara Komisije imenovana je Naida Đugumović, a ista će obavljati administrativno-tehničke poslove Komisije.

(3) Svi članovi Komisije moraju imati isti stepen stručne spreme kao i kandidat za čiji prijem u radni odnos je objavljen javni oglas.

(4) Komisija se konstituira održavanjem prve sjednice, a na kojoj članovi Komisije i sekretar potpisuju izjavu o nepristrasnosti, povjerljivosti i nepostojanju sukoba interesa sa sljedećim sadržajem: *"Pod moralnom, materijalnom i krivičnom odgovornošću izjavljujem: da nisam srodnik nekog od prijavljenih kandidata u pravog ili pobočnoj liniji do četvrtog stepena i u tazbinskoj liniji do drugog stepena, bračni ili vanbračni partner, usvojlac ili usvojenik i da ću odmah ili najkasnije dva dana od dana saznanja za razloge izuzeća zatražiti izuzeće od rada u Komisiji."*



J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

Član 3.

(Načela)

- (1) Rad Komisije zasniva se na načelima zakonitosti, nezavisnosti, nepristrasnosti, objektivnosti, efikasnosti i javnosti.
- (2) Komisija je u svom radu autonomna.

Član 4.

(Izuzeće članova Komisije)

- (1) Član Komisije će odmah ili najkasnije dva dana od dana saznanja za razloge izuzeća zatražiti izuzeće u Komisiji, ukoliko je srodnik nekog od prijavljenih kandidata u pravoj ili pobočnoj liniji do četvrtog stepena i u tazbinskoj liniji do drugog stepena.
- (2) O zahtjevu za izuzeće iz stava (1) ovog člana poslodavac donosi odluku najkasnije u roku od tri dana od dana podnošenja zahtjeva, a protiv ove odluke žalba nije dopuštena.

Član 5.

(Zamjena)

Ukoliko predsjednik ili neki od članova komisije privremeno, trajno ili u dužem vremenskom periodu bude spriječen da vrši svoju dužnost, dužan je odmah obavijestiti poslodavca radi imenovanja zamjenskog člana.

II. RAD KOMISIJE

Član 6.

(Način odlučivanja)

- (1) Komisija u pravilu radi u punom sastavu, a obavezno radi u punom sastavu u provođenju pismenog i usmenog ispita.
- (2) Komisija odlučuje o pitanjima iz svoje nadležnosti većinom glasova, a za svaku odluku smatra da je donesena, ako su za nju glasala najmanje dva člana.

Član 7.

(Sastanci Komisije)

- (1) Sastanci Komisije će se održavati na zahtjev predsjednika/ce Komisije, koji/a vodi sastanke i potpisuje sve donesene dokumente osim Spiska kandidata među kojim se provodi izborni postupak, a kojeg potpisuju svi članovi.
- (2) O svom radu Komisija vodi zapisnik, koji je sastavni dio dokumentacije, a isti potpisuje predsjednik/ca i članovi Komisije.
- (3) Zapisnik sadrži osnovne podatke o radu na sjednici, a naročito;
 - Datum, mjesto održavanja, vrijeme početka sjednice;
 - Imena prisutnih članova Komisije;



J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

- Ime i prezime predsjedavajućeg i zapisničara;
- Predloženi i utvrđeni dnevni red;
- Definisane prijedloge po redosljedu iznošenja;
- Izdvojena mišljenja, potpis predsjednika i zapisničara,
- U zapisnik se unose izjave na koje izričito članovi insistiraju da se unesu decidno.

Član 8.

(Mjesto rada Komisije)

Komisija će provoditi postupak i zasjedati u Sarajevu, na adresi Maršala Tita 54/I u prostorijama J.U. „MES - Međunarodni teatarski festival - Scena MESS“ .

III. POSTUPAK PROVOĐENJA JAVNOG OGLASA

Član 9.

(Postupanje po pristiglim prijavama)

- (1) Po isteku roka za podnošenje prijava na Javni oglas Komisija pregleda sve pristigle prijave i dostavljene dokaze, utvrđuje njihovu ispravnost i sastavlja spisak kandidata među kojima se provodi izborni postupak.
- (2) Ispravnom prijavom smatra se prijava koja je potpisana od strane podnosioca i usklađena sa Javnim oglasom, uz koju su priloženi svi dokazi o ispunjavanju potrebnih uslova iz pravilnika kojim se reguliše sistematizacija radnih mjesta, te koja je podnesena u roku određenom u javnom oglasu za prijem u radni odnos.
- (3) Spisak kandidata iz stava (1) ovog člana potpisuju svi članovi Komisije.
- (4) Komisija pisanim putem obavještava kandidate čija dokumentacija nije ispravna da nisu na spisku kandidata među kojima se provodi izborni postupak, sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od tri dana prijema obavijesti.
- (5) Komisija pisanim putem obavještava kandidate među kojima se provodi izborni postupak o mjestu i vremenu održavanju ispita.
- (6) Kandidati koji pristupe pismenom i usmenom ispitu biće upoznati sa sastavom Komisije.

Član 10.

(Provođenje ispita)

Komisija za radno mjesto za koje se provodi postupak javnog oglašavanja zasniva na razmatranju dostavljene dokumentacije, te održanom pismenom i usmenom ispitu sa svakim od kandidata.



J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

Član 11.

(Pristupanje ispitu)

- (1) Pismeni i usmeni ispit kandidata je eliminatoran.
- (2) Kandidat koji ne pristupi ispitu, kandidat koji zakasni bez opravdanog obrazloženja, gubi pravo daljnjeg učešća u konkursnoj proceduri.

Član 12.

(Ocjena Komisije)

- (1) Komisija je u svom radu autonomna i ocjenu donosi na osnovu diskrecione ocjene o kandidatu.
- (2) Kandidat koji svojim ponašanjem ometa rad Komisije, utiče na kompetentnost Komisije, ili na drugi nekorektan način se odnosi prema Komisiji biće eliminisan sa ispita uz pismeno obrazloženje Komisije direktoru Ustanove.
- (3)

Član 13.

(Utvrdjivanje ispitnih pitanja)


- (1) Komisija utvrđuje ispitna pitanja najranije sat vremena prije održavanja ispita.
- (2) Ispitna pitanja se utvrđuju iz oblasti utvrđenih u članu 15. ovog Poslovnika
- (3)

Član 14.

(Ispitne oblasti)

Provjera kandidata prijavljenih na javni oglas za popunu upražnjene pozicije izvršit će se iz sljedećih ispitnih oblasti:

- 1) Zakon o pozorišnoj djelatnosti Kantona Sarajevo
- 2) Pravila J.U. „MES - Međunarodni teatarski festival-Scena MESS
- 3) Uredba sa zakonskom snagom o ustanovama
- 4) Pravilnik o unutrašnjoj organizaciji i sistematizaciji radnih mjesta J.U. “MES – Međunarodni teatarski festival - Scena MESS”
- 5) Pravilnik o radu Javne ustanove „MES - Međunarodni teatarski festival – Scena MESS“
- 6) Zakon o radu
- 7) Zakon o upravnom postupku



J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

- 8) Zakon o obligacionim odnosima
- 9) Kolektivni ugovor za djelatnost kulture u Kantonu Sarajevo
- 10) Zakon o javnim nabavkama Bosne i Hercegovine
- 11) Uredba o kontroli javnih nabavki u svim institucijama čiji je osnivač Kanton Sarajevo
- 12) Uredba o postupku prijema u radni odnos javnom sektoru na teritoriji Kantona Sarajevo

Član 15.

(Pismeni ispit)

- (1) Pismeni ispit se polaže u formi testa koji se sastoji od sedam pitanja.
- (2) Pitanja će biti postavljena na način da imaju više odgovora od kojih je samo jedan tačan.
- (3) Za svaki tačan odgovor na pismenom ispitu kandidat dobija 10 bodova.
- (4) Pismeni ispit traje 60 minuta.

Član 16.

(Način bodovanja)

- (1) Komisija vrši bodovanje na sljedeći način:
 - a) pismeni ispit – od 0 do 70 bodova (70% od ukupnog broja bodova),
 - b) usmeni ispit/intervju – od 0 do 30 bodova (30% od ukupnog broja bodova).
- (2) Prilikom utvrđivanja ispitnih pitanja Komisija odlučuje o njihovom broju, te ista boduje na način utvrđen u stavu (1) ovog člana.

Član 17.

(Usmeni ispit)

- (1) Komisija radi po principu postavljanja pitanja.
- (2) Komisija za provjeru radnih i stručnih sposobnosti obavlja usmeni ispit sa svakim kandidatom pojedinačno u vremenskom intervalu do 10 minuta.
- (3) Usmeni ispit podrazumijeva postavljanje po dva pitanja od strane svakog člana Komisije (ukupno 6), a koji se boduju od 0 do 5 bodova.
- (4) Maksimalan broj bodova ostvaren na usmenom ispitu iznosi 30, odnosno 30% od ukupnog broja bodova.
- (5) Kriteriji na osnovu kojih će se izvršiti bodovanje usmenog ispita su: tačnost odgovora, preciznost odgovora, vještina komunikacije i poznavanje ispitne oblasti
- (6) Broj bodova koje je kandidat ostvario na usmenom ispitu predstavlja zbir bodova dodijeljen od strane svakog člana Komisije.



J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

Član 18.

(Lista uspješnih kandidata)

- (1) Komisija na osnovu utvrđenih bodova na pismenom i usmenom ispitu i utvrđenih bodova prednosti po osnovu posebnih propisa sačinjava Listu uspješnih kandidata.
- (2) Komisija je dužna Listu uspješnih kandidata sa bodovima, zajedno sa potpisanim zapisnicima o radu Komisije dostaviti direktoru J.U. MES, u roku od tri radna dana nakon obavljenog ispita.

IV. ODGOVORNOST ČLANOVA KOMISIJE

Član 19.


(Odgovornost članova Komisije)

- (1) Odgovornost članova Komisije je kolektivna i individualna odgovornost.
- (2) Članovi Komisije za svoj rad odgovaraju direktoru.

Član 20.

(Odluka prijemu u radni odnos)

- (1) Poslodavac prima u radni odnos onog kandidata, koji se nalazi na prvom mjestu Liste uspješnih kandidata, a ako on ne prihvati zaposlenje, poslodavac prima u radni odnos sljedećeg kandidata sa Liste uspješnih kandidata.
- (2) Poslodavac je dužan Odluku o prijemu u radni odnos donijeti u roku od tri radna dana od dana prijema Liste uspješnih kandidata.
- (3) Poslodavac obavještava kandidate sa Liste uspješnih o odluci o prijemu u radni odnos u roku od pet dana od dana donošenja odluke.
- (4) Uz obavijest iz stava (3) ovog člana kandidatima se dostavlja odluka o prijemu u radni odnos izabranog kandidata i Lista uspješnih kandidata sa bodovima.
- (5) Na obavijest poslodavca o prijemu u radni odnos, zainteresovani kandidat ima pravo prigovora drugostepenom organu utvrđenom osnivačkim aktom poslodavca.
- (6) Prigovor se izjavljuje u roku od najmanje osam dana.
- (7) Drugostepeni organ rješava po prigovoru u roku od 15 dana.
- (8) Odluka drugostepenog organa je konačna i protiv iste nezadovoljni kandidat ima pravo podnošenja tužbe nadležnom sudu u roku od 30 dana.



Član 21.

(Prioritet pri zapošljavanju)

- (1) Prilikom izbora kandidata prednost će imati kandidati koji po posebnom Zakon o dopunskim pravima boraca - branitelja Bosne i Hercegovine ("Službene novine Kantona Sarajevo" broj 78/21- novi prečišćeni tekst), Uredbi o jedinstvenim kriterijima i pravilima za zapošljavanje branilaca i članova porodica u institucijama u Kantonu Sarajevo, gradu Sarajevo i općinama i Kantonu Sarajevo („Službene novine Kantona Sarajevo“, broj: 37/20 i 27/21) i Instrukcijama o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova porodica u institucijama u Kantonu Sarajevo, gradu Sarajevo i općinama i Kantonu Sarajevo („Službene novine Kantona Sarajevo“, broj: 38/20 i 28/21) imaju prioritet u zapošljavanju.
- (2) Prioritet u zapošljavanju kandidati dokazuju odgovarajućim dokumentima (uvjerenje/rješenje) koje prilažu uz prijavu na javni oglas, izdatu od nadležnog organa u skladu sa Uredbom o jedinstvenim kriterijima i pravilima za zapošljavanje branilaca i članova porodica u institucijama u Kantonu Sarajevo, gradu Sarajevo i općinama i Kantonu Sarajevo („Službene novine Kantona Sarajevo“, broj: 37/20 i 27/21) i to kako slijedi:

R. br.	Kategorija pripadnosti boračkoj populaciji	Naziv dokumenta	Naziv organa koji izdaje dokumentaciju
1	Član porodice šehida/poginulog, umrlog i nestalog branioca	- Uvjerenje o statusu djeteta šehida-poginulog, umrlog i nestalog branioca -Rješenje o priznatom pravu na porodičnu invalidninu za suprugu šehida poginulog, umrlog i nestalog branioca -Uvjerenje o učešću u Oružanim snagama za šehida-poginulog, umrlog i nestalog branioca	Nadležna Općinska služba Grupa za pitanja evidencije iz oblasti vojne obaveze prema mjestu prebivališta
2	Ratni vojni invalid	Rješenje o priznatom svojstvu ratnog vojnog invalida	Nadležna Općinska služba
3	Dobitnik ratnog priznanja i odlikovanja	Rješenje o priznatom pravu na mjesečno novčano primanje u obliku priznanja	Nadležna Općinska služba
4	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5	Dijete: a) Ratnog vojnog	a) Uvjerenje o statusu djeteta ratnog vojnog invalida	a) i b) Nadležna Općinska služba

MESS

J.U. MES

MEĐUNARODNI TEATARSKI FESTIVAL
SCENA MESS

WWW.MESS.BA

	invalida b) Dobitnika ratnog priznanja i odlikovanja c) Demobiliziranog branioca	b) Uvjerenje o statusu c) Rješenje o priznatom pravu na : - Mjesečni novčani dodatak ili - Uvjerenje o učešću	c) Nadležna Općinska služba ili Grupa za pitanja evidencije iz oblasti vojne obaveze prema mjestu prebivališta branioca u Oružanim snagama
6	Supruga ratnog vojnog invalida	a) Uvjerenje o statusu supruge ratnog vojnog invalida b) Rješenje o priznatom pravu na invalidninu	a) Općinska Služba- Matični ured b) Općinska služba za boračko invalidsku zaštitu

Član 22.

(Vrednovanje)

Vrednovanje kandidata vrši na način da se licu nakon bodovanja po osnovu općih i posebnih kriterija, nakon provedene kompletne procedure uključujući i intervju, na ukupan broj ostvarenih bodova, u zavisnosti od pripadnosti branilačkoj populaciji, dodaju i dodatni bodovi, tako da se na ukupan broj prethodno ostvarenih bodova dodaje postotak od istih i to za:

- a) dijete šehida, poginulog, umrlog, nestalog branioca bez oba roditelja 50%;
- b) lice u statusu člana porodice šehida/poginulih, umrlih i nestalih branioca, pri čemu djeca imaju prednost 35%;
- c) lice u statusu ratnog vojnog invalida i to od X grupe 27.5% + 0,3% za svaku narednu grupu invalidnosti do I grupe 27,5 – 30,2%;
- d) lice u statusu demobiliziranog branitelja za jednu godinu učešća 23,5% + 0,1% za svaki mjesec učešća u Oružanim snagama 23,5 - 27.1%;
- e) dijete ratnog vojnog invalida od X grupe 20.5% + 0,3% za svaku narednu grupu invalidnosti do I grupe 20.5 - 23,2%;
- f) dijete demobiliziranog branitelja sa jednom godinom učešća u Oružanim snagama 16,4% + 0.1% za svaki mjesec učešća u Oružanim snagama 16,4-20 %;
- g) lice u statusu dobitnika ratnog priznanja i odlikovanja dobija dodatno 10%;
- h) dijete dobitnika ratnog priznanja i odlikovanja dodatno 5%;
- i) lice u statusu organizatora otpora sa učešćem od 18.09.1991. do 15.10.1991. godine dodatno 3%;
- j) lice u statusu organizatora otpora, veterana sa učešćem od 15.10.1991. do 15.04.1992. godine dodatno po 0,3% po mjesecu u datom periodu 0,3 – 1,8%;
- k) lice u statusu maloljetni branitelj dodatno 2%;
- l) dijete umrlog demobiliziranog branitelja i ratnog vojnog invalida dodatno 1%

MESS

J.U. MES

MEĐUNARODNI TEATARSKI FESTIVAL
SCENA MESS

WWW.MESS.BA

m) supruža ratnog vojnog invalida ka članu uže porodice ratnog vojnog invalida, nakon bodovanja po osnovu općih i posebnih kriterija, nakon provedene kompletne procedure uključujući i intervju, na ukupan broj ostvarenih bodova dodaju se i dodatni bodovi, tako da se na ukupan broj prethodno ostvarenih bodova dodaje postotak od istih i to::

- od X do VII grupe 1%
- od VI do III grupe 2%
- od II do I grupe 3%

V. ZAVRŠNE ODREDBE

Član 23.

(Tumačenja, izmjene i dopune)

- (1) Tumačenje odredbi ovog Poslovnika daje Komisija.
- (2) Izmjene i dopune Poslovnika vrše se po postupku njegovog donošenja.

Član 24.

(Stupanje na snagu)

Komisija je dužna poslovnik o radu dostaviti direktoru J.U. MES odmah, a najkasnije u roku od tri dana od dana donošenja, a direktor J.U. MES je dužan Poslovnik učiniti dostupnim na web stranici www.mess.ba, dan nakon objavljivanja javnog oglasa i učiniti ga dostupnim do donošenja Odluke o prijemu u radni odnos.

Komisija za postupak prijema u radni odnos

- Dajana Gurda
- Belma Jusufović
- Alisa Salahović

Sarajevo, 23.1.2025. godine
Broj: 01-I-58/25

Dostavljeno:

- 1x Direktor Ustanove
- 3x Članovima Komisije
- 1x a/a